

ÍDEJE ZA AKTIVNOSTI SA KARTICAMA

LISTA VRIJEDNOSTI

♡ TIMSKI RAD	♡ BRIGA O DRUGIMA	♡ DRUŠTVENA PRAVDA
♡ HRABROST	♡ ISKRENOST	♡ JEDNAKOST
♡ KREATIVNOST	♡ USPJEH	♡ LJUBAV
♡ MER	♡ OBRAZOVANJE	♡ OČUVANJE PRIRODE
♡ ODANOST	♡ ODGOVORNOST	♡ OSJEĆAJ PRIPADNOSTI
♡ PORODICA/OBITELJ	♡ POŠTENJE	♡ POŠTOVANJE
♡ PREDANOST	♡ PRIJATELJSTVO	♡ RAD
♡ RAZLIČITOST	♡ SARADNJA	♡ SIGURNOST
♡ SLOBODA	♡ SOLIDARNOST	♡ SREĆA
♡ TOLERANCIJA	♡ ZNATIŽELJA	♡ ZDRAVLJE

♡ VRIJEDNOSTI
♡ KOJE
♡ ŽELIMO
♡ ŽIVJETI...

VAŠA 5 VRIJEDNOSTI

- 1.....
- 2.....
- 3.....
- 4.....
- 5.....



Šta sve možete raditi sa karticama? Predstavljamo vam samo neke od ideja. Budite slobodni da osmislite i svoje načine kako koristiti ove kartice, ili kako možete unaprijediti određene aktivnosti. Imate 60 kartica. Uzmite i vi malo vremena pa proučite kartice, tako da u određene aktivnosti možete ubacivati svoju kombinaciju. Sretno!

TABU

Tabu je društvena igrice koja ima vrlo jednostavna pravila. Ova aktivnost pomaže učenicima da bolje definišu određene vrijednosti, da se sjete sinonima i uđu dublje u razumjevanje vrijednosti. Igra se vrlo jednostavno i to na način da možete igrati u paru ili u grupi. Jedna grupa/par objašnjava drugom određeni pojam u zavisnosti koju karticu je izvukao ali tako da ne smije izgovoriti tu određenu riječ/vrijednost već može objašnjavati na sve druge načine. Također nije dozvoljeno izgovarati korijen riječi ili sinonime.

PICTIONARY

Kao i prethodna aktivnost, zasniva se na vrlo sličnom principu, ali u ovom slučaju umjesto riječi imate papir na koji crtate sve što vas asocira na tu vrijednost kako bi neko drugi pogodio o čemu je riječ.

PANTOMIMA

Još jedna super zabavna varijacija na temu imenovanja, prepoznavanja i rasprave na nižim nivoima. Učenici izvlače karticu i trebaju da, bez korištenja riječi, nego samo pokretima tijela i mimikom, objasne o čemu je riječ.

PRIČA OD 5 KARTICA

Imate pismenu vježbu? Učite kreativno pisanje? Vježbate različite forme pisanja? Ukoliko vam nedostaje tema uvijek možete izvući 5 kartica koje će poslužiti kao ključne riječi. Na kraju, ako vam je samo do naracije, pričajte kratke priče u krug tako što ćete opet definisati temu odabirući 5 ključnih riječi/kartica. Naravno, možete odabrati i više ili manje kartica, zavisno od vremena i uzrasta učenika.

PORODIČNE VRIJEDNOSTI

Dopustite djeci da ponesu ove kartice kući, kako bi sa roditeljima razgovarali o njima. Možete im predložiti ili zadati neka od sljedećih pitanja:

Koje su njihove porodične vrijednosti?

Kako se to ogleda u njihovoj kući?

Kako oni vide različite vrijednosti?

Pored toga što ćete porodicu potaknuti da razgovara o svojim vrijednostima, i vama je važno da saznate koje porodične vrijednosti postoje i važne su roditeljima vaše djece. Ovo također može poslužiti kao uvod u priču o razrednim vrijednostima ili čak školskim vrijednostima. Na taj način ste uključili i roditelje.

Roditelje možete uključiti i u sve druge igre sa karticama, a mogu i sami napraviti svoj porodični set.